



OPĆINSKO VIJEĆE

Informacija sa 21. redovne sjednice Općinskog vijeća općine Foča u FBiH

Dana 03.06.2015. godine održana je 21. Redovna sjednica Općinskog vijeća općine Foča u F BiH.

Na sjednici je usvojen slijedeći dnevni red:

1. Razmatranje i usvajanje zapisnika sa 20 redovne sjednice Općinskog vijeća
2. Vijećnička pitanja i inicijative
3. Izvještaj o izvršenju budžeta za 2014. godinu
4. Izvještaj o izvršenju budžeta za period 01.01. - 31.03.2015 godine
5. Prijedlog odluke o imenovanju Organizacionog odbora manifestacije Dani kulture, sporta i turizma "Ustikoljansko ljeto 2015"
6. Prijedlog odluke o raspisivanju Javnog oglasa za imenovanje članova izborne komisije općine Foča
7. Izvještaj o radu JKP "Ušće" d.o.o. sa finansijskim pokazateljima za 2014. godinu i informacija o higijenskoj ispravnosti vode za piće na području Općine Foča
8. Prijedlog odluke o utvrđivanju prosječne cijene 1 m² izgrađenog stambenog prostora za 2014. godinu
9. Prijedlog odluke o utvrđivanju naknade za neizgrađeno građevinsko zemljište za 2015. godinu

Nakon usvajanja zapisnika sa prethodne sjednice Općinskog vijeća i Vijećničkih pitanja koja su dostavljena pismenim putem, razmatran je Izvještaj o izvršenju budžeta za 2014. godinu za čije usvajanje je glasalo 5 od ukupno 7 prisutnih vijećnika što nije bilo dovoljno da se izvještaj usvoji. Izvještaj o izvršenju budžeta za prvi kvartal 2015. godine je jednoglasno usvojen.

Rasprava o pomenutim izvještajima dovela je do usvajanja Zaključka koji je donesen na prijedlog Komisije za budžet i finansije općine Foča u F BiH. Zahtjevom se poziva Vlada BPK Goražde da, zbog otežane situacije u kojoj se općina nalazi i neizmirenih obaveza iz 2012., 2013., i 2014. godine koje iznose 623 hiljade KM, planirane transfere prema općini Foča u F BiH uplaćuje redovno i u iznosu koji je planiran Budžetom Kantona.

U nastavku sjednice razmatran je Izvještaj o radu JKP "Ušće" d.o.o. sa finansijskim pokazateljima za 2014. godinu i informacija o higijenskoj ispravnosti vode za piće na području Općine Foča koji je jednoglasno usvojen.

Takođe, jednoglasno su usvojene slijedeće odluke:

- Odluka o imenovanju Organizacionog odbora manifestacije Dani kulture, sporta i turizma "Ustikoljansko ljeto 2015"
- Odluka o raspisivanju Javnog oglasa za imenovanje članova izborne komisije općine Foča, te odluke o utvrđivanju prosječne cijene 1 m² izgrađenog stambenog prostora za 2014. godinu i o utvrđivanju naknade za neizgrađeno građevinsko zemljište za 2015. godinu .